

ՆՈՐ ԳՐՔԵՐ

**Պ. Մ. ԽԱՉԱՏՐՅԱՆ — «Հայ միջնադարյան պատմական ողբեր», Հայկական ՍՍՀ ԳԱ
Ռատարակչություն, 1969 թ., տպաքանակը՝ 2000, 244 էջ:**

Ողբը իր բազմազան տեսակներով հայ Ռին և միջնադարյան գրավոր մշակույթի կարևոր ժանրերից է: Ինչպես մեր մատենագրության շատ երևույթներ, այնպես էլ ողբերգության շատ հարցեր դեռևս բազմակողմանի ուսումնասիրության առարկա չեն դարձել:

Հայագիտությունը դեռ վաղուց ուշադրություն է դարձրել ողբերին, Ռատարակվել են մի շարք Ռողվածներ և ուսումնասիրություններ, բայց դրանք կրել են պատմա-թանաքահարկյալ բնույթ: Ողբերի գեղարվեստական արժեքը հետազոտողների տեսա-յալշուից գրեթե դուրս է մնացել:

Բանասեր Պ. Խաչատրյանն իր այս ուսումնասիրության մեջ մանրամասն դի-տարկել է ողբերի զարգացման երկար ուղին, յուրաքանչյուր ողբ գնահատել է իբրև պատմական սկզբնաղբյուր, պարզաբանել նրանցից մի քանիսի հեղինակային պատ-կանելությունը, ինչպես նաև, հնարավորին չափ, լրացրել է ողբասացների կյանքի ու գործունեության պատկերը: Վերջապես, հեղինակը ողբերգությունը դիտել է իր ամ-բողջության մեջ, վեր հանելով նրա գրական-գաղափարական արժեքը:

Գիրքը բաղկացած է երեք դրվագից: Առաջին դրվագում տեղավորված են 14—15-րդ դարերի պատմաողբերը, երկրորդում՝ 16-րդ դարի պատմաողբը, իսկ երրոր-դում՝ 17-րդ դարի սկզբի պատմաողբը: Աշխատությունը արժեքավոր է հայագիտու-թյամբ զբաղվողների համար:

**«Մատենադարանի պարսկերեն կալվածագրերը», կազմեց Հ. Դ. ՓԱՓԱԶՅԱՆ —
Հայկական ՍՍՀ ԳԱ Ռատարակչություն, 1969 թ., տպաքանակը՝ 1000, 640 էջ:**

«Մատենադարանի պարսկերեն վավերագրերը» մատենաշարի «Հրովարտակ-ները» շարքի Ա և Բ պրակների Ռատարակումից հետո ներկա հատորով սկիզբ է դրվում նույն մատենաշարի «Կալվածագրեր» շարքի Ռատարակությանը:

Այս պրակում ընդգրկված են Մատենադարանի Կաթողիկոսական դիվանի առանձին թղթապանակներում պահվող XIV—XVI դարերի պարսկերեն, մասամբ նաև արաբերեն 27 արժեքավոր կալվածագրեր, որոնց մեծ մասը վերաբերում է միջ-նադարյան Հայաստանի մեծ ու փոքր վանքերին: Հատորը պարունակում է այդ կալ-վածագրերի վերծանված բնագրերը հայերեն ու ռուսերեն թարգմանությամբ, տեքս-տաբանական ու պատմա-բանասիրական բնույթի ծանոթագրություններով և բնագրե-րում հանդիպող վարչա-տնտեսական, ագրարային տերմինների հարուստ բառա-րանով:

Աշխատության առաջաբանում քննության են առնված XIV—XVII դարերի ֆեո-դալական Ռողատիրության ու ագրարային հարաբերությունների պատմությանը վե-րաբերող բազմաթիվ հարցեր: Հատորում տեղավորված են նաև վերը նշված 27 կալ-վածագրերի լուսանկարներ:

Ա. ՍԱԼՄԱՆԻՅԱՆ — «Հայկական մատենագիտություն», Հայկական ՍՍՀ ԳԱ հրատարակչություն, 1969 թ., տպաքանակը 3000, 470 էջ:

Հայ ժողովրդի պատմությունն ու մշակույթը, ինչպես հայտնի է, սերտորեն աղընչվում են Առաջավոր Ասիայի, Կովկասի, Կենտրոնական Ասիայի, Հյուսիսային Աֆրիկայի, Արևելյան Եվրոպայի, Ապենինյան և Բալկանյան թերակղզիների շատ ժողովուրդների պատմության և մշակույթի հետ: Առանց հայ աղբյուրների գիտության դժվար է վերոհիշյալ երկրների պատմությունն ու մշակույթը հասկանալ: Այս հանգամանքից ելնելով, օտարազգի շատ գիտնականներ, դեռևս մեր դարերի սկզբներից, սկսեցին զբաղվել հայագիտությամբ:

Վերջերս Հայկական ՍՍՀ ԳԱ հիմնական գրադարանի մատենագիտական բաժինը ձեռնամուխ է եղել օտար ափերում առաջացած հայագիտության լիակատար մատենագիտություն կազմելու գործին: Ա. Սալմասյանի այս գիրքը դրա արդյունքն է, որի վրա հեղինակը աշխատել է շուրջ 25 տարի:

«Հայկական մատենագիտության» մեջ զետեղված են առավելապես ֆրանսերեն, գերմաներեն և անգլերեն լեզուներով հրատարակված գործերի բիբլիոգրաֆիական տվյալները. մյուս լեզուներով հրատարակվածները համեմատաբար քիչ են: Այլ օտար լեզուներով՝ լեհերեն, չեխերեն, ռումիներեն, բուլղարերեն, ինչպես նաև ռուսերեն և հայերեն կշարունակի կազմել ակադեմիայի գրադարանի մատենագիտական բաժինը:

Մ. Խ. ՔՈԹԱՆՅԱՆ — «Գիտատեխնիկական առաջադիմությունը և մեր խթանումը», Հայկական ՍՍՀ ԳԱ հրատարակչություն, 1969 թ., տպաքանակը՝ 1000, 286 էջ:

Ներկա աշխատության մեջ բացահայտված է մյուսական շահագրգռվածության սկզբունքի դերը հասարակական արտադրության զարգացման գործում ընդհանրապես, գիտատեխնիկական առաջադիմության արագացման գործում՝ մասնավորապես: Հետազոտությունը մվիրված է մեր երկրում գիտական գործունեության տնտեսական կողմի մի քանի հարցերին: Ուսումնասիրվում են մեր տեխնիկական մշակող օղակների (գիտահետազոտական, մախագծային-կոնստրուկտորական, տեխնոլոգիական կազմակերպություններ) պլանավորման, աշխատանքի կազմակերպման, տնտեսական խթանման, գիտատեխնիկական աշխատողների մյուսական խրախուսման հարցերը և մշակում դրանց բարելավման ուղիները: Քննարկվում են նաև գիտական հայտնագործությունների, գյուտերի հեղինակների ու ռացիոնալիզատորների մյուսական խրախուսման հարցերը և կոնկրետ առաջարկություններ արվում դրանց հետագա բարելավման վերաբերյալ: